



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

13. Adducitur secunda, tertia, & quarta sententia Fornarii, Sylvii, &  
Merceri. Ex p. 12. t. 1. res. 13.

---

[urn:nbn:de:hbz:466:1-76369](#)

copus consecrator tunc profert, scilicet; vngatur, & consecratur caput tuum coelsti benedictione in ordine Pontificali in nomine Patris, & Filii, & Spiritus sancti.

Item, vngantur manus ista de Oculo sanctificato, &

Chrismate sanctificationis, sicut uxoris Samuel David

Regem, & Prophetam: ita vngantur, & consecratur

in nomine Dei Patris, & Filii, & Spiritus sancti.

Tertia, & ultima partialis materia est traditio baculi

Pastoralis, Annuli, & libri Euangeliorum: Forma ei

correspondens sunt verba, quae inter tradendum ista

instrumenta Episcopus consecrator profert. Hucvel

que illebatur cui alterum Theologum Gallum sub-

jungo, nempè Ludouicum Abelly in Medulla Theo-

logica tom. 2. cap. 7. de Sacramento Ordinis, sect. 2.

qui sic afferit: Triplicem esse materiam partialiem

Episcopatus: triplicem item formam partialiem:

Prima illius materia partialis est impositio manuum

a tribus Episcopis facta super caput illius, qui in

Episcopum ordinatur: forma ei correspondens sunt

hec verba ab illis tribus simul prolati, *Accipe Spiri-*

*tum sanctum.* Secunda materia partialis est vunctione

capitis, & manuum ipsius electi in Episcopum facta

per consecratorum Episcopum: forma ei respondens

sunt verba quae in ipsa vunctione ab Episcopo conse-

cratore proferuntur. Tertia denique partialis materia

est traditio baculi Pastoralis, Annuli, & libri Eu-

angeliorum: forma ei respondens sunt verba, quae in

ipsa traditione consecrator Episcopus profert. Va-

quibus quidem cum quibusdam aliis Theologis,

quos citat, existimat materiam Episcopalis Ordina-

tionis in sola manuum impositione a tribus Episcopis

fida; formam item in solis verbis, quae tunc ab illis

proferuntur; obseruatque paucos admodum Theo-

logos scriptis de materia, & forma Episcopalis Or-

ditionis: nihilominus probabilior est, & in praxi

tenenda sententia in assertione nostra explicata. Ita

Abelly. Hanc sententiam tenet etiam Ioan. Pontius

in *Carta Theologico discept. 48. quas. 2. concil. 8. num. 15.*

Vide etiam Michælum Medinam lib. 1. de *Contin. c. 7.*

& Guillermum Durandum lib. 2. Rationalis offi-

ciorum.

#### RESOL. XIII.

Adducitur secunda, tertia, & quarta sententia Fornarij,  
Sylvi, & Merceri. Ex part. 1. 2. tract. 1. Ref. 12.

1. Secunda sententia est Martini Fornarij de Sa-

cam. Ordin. cap. 1. qui requirit solum manus

impositionem, libri Euangeliorum traditionem, &

capiti vunctionem. Tertia sententia est Francisci Syl-

wij Professoris Regij in Academia Duatena in 3. part.

quest. 40. art. 5. conclus. 2. sic afferentis: Materia est

Chismatica vunctione manuum: forma verba quae tunc

profert consecrantes, vngantur manus ista, &c. Vnde

toto precedenti tempore semper vocatur in Pontifi-

cali, Electus, postquam vero verba ad istam vunctionem

proferuntur, Consecratus appellatur. Confert

Innocentius III. cap. cum venisset de sacra vunctione.

Ita ille.

2. Quarta sententia est Guillermi Merceri, etiam

Professoris Regij, in Academia Louaniensi de Sacra-

mento, q. 4. art. 3. vbi sic afferit: Pro materia quoque

habet Chismaticam capitum, & manuum vunctionem:

pro forma verba quae tunc profert consecrantes, vnu-

gantur manus ista, &c. ut significat Innocentius III.

cap. cum venisset de sacra vunctione. Et colligitur ex eo

quod toto tempore precedenti in Pontificali appelle-

tur, Electus, postea vero, Consecratus. Materia quo-

que altera est manuum impositio, & forma altera,

Accipe Spiritum sanctum, &c. Minister denique est principalis quidem Episcopus ille qui in Pontificali vocatur consecrator, secundarij vero alij duo assistentes. Hæc Mercerus.

#### RESOL. XIV.

Proponitur quinta sententia Doctoris Hallier. Ex p. 12.  
tr. 1. Ref. 14.

§. 1. E Ruditus, & amicissimus Franciscus Hallier Professor Regius in Academia Sorbonica de sacris Electionibus part. 2. sect. 7. cap. 2. §. 13. num. 29. putat probabile non solum manuum impositionem, verum etiam traditionem libri Euangeliorum in manus Episcopi consecrandi, cum iis verbis; *Accipe Euangelium, & vade, prædicta populo;* &c. esse alteram materiam partialem Episcopalis Ordinis. Primo, quia Concilium Florentinum ex predictis decernit materiam Sacramenti Ordinis esse illud, per cuius traditionem Ordo innuens in omnibus ordinationibus esse aliquid, quod tradatur, quod quidem Ordinis materiam esse dixit: nihil autem est quod in Episcopi consecratione tradatur, præterquam liber iste Euangeliorum. Secundo, quia Pontificale Romanum, Episcopum, cui manus impositio fuerunt, vocat adhuc *Electum*, nondum autem *Consecratum* cum appellat, nisi postquam liber Euangeliorum hac prolati verborum, que ibidem recitatur, forma, ipsi in manus traditus fuerit. Tertio, quia principale officium Episcopi, putat prædicandi munus, Euangeliorum libros, & predictis verbis egregie innotescit: Quare cum materia, & formæ ordinis, saltem partiales, ea sunt, quæ præcipuum vniuersalique Ordinis officium indicant, portatio libri Euangeliorum erit altera materia partialis Ordinis Episcopalis, & verba simul cum ea porrectio prolati erunt forma. Quartio, quia non est potior ratio, cur porrectio calicis cum vino, & patenæ cum pane sint materia Presbyteratus, porrectio libri Euangeliorum materia Diaconatus, & sic de ceteris ordinibus, quâm porrectio libri Euangeliorum materia Episcopatus: atqui Florentinum expresse predicitas materias Presbyteratus, & Diaconatus assignat: videtur iraque pro materia quoque partiali Episcopatus traditio libri Euangeliorum esse statuenda. Obiectio tamen primò, materiam eam non esse Ordinationis, ad quam non concurrunt, qui sunt eiusdem Ordinationis ministri: at non solum Episcopus, qui principalis auctor est consecrationis Antistitis electi: sed alij duo ad minus Episcopi, qui cum eo consecrant sunt ministri Ordinationis Episcopalis, si ea ex communi sententia, in qua tres saltem Episcopi non adfuerint consecrantes, nulla est: cum ergo solum Episcopus principaliter consecrans librum Euangeliorum tradat, & predicta verba proferat, non videtur porrectio libri Euangeliorum esse materia Ordinationis, nec predicta verba esse forma. Secundo, quia si impositio manuum est materia Ordinationis, eaque adeo efficax, vt gratiam producat, ne frustra videatur Episcopus dicere, *Accipe Spiritum sanctum*, quod ex Tridentino docuimus; certè perfecta illa manus impositione videtur perfectum esse Sacramentum: nam Sacramentum gratiam non producit, nisi perfectum, proindeque sequens libri Euangeliorum traditio gratiam non conferat. Confirmatur, nam manus impositio gratiam producit, vt Scriptura sacra, Patres, ac Concilia superioris innuunt: vel ergo collatio libri Euangeliorum producit gratiam, vel non: si producit: bis ergo gratia Episcopalis Ordinis, non autem semel conferatur, quod

Sup. omni-  
bus seqq; ab-  
hinc usque  
in fine huius  
Ref. ad hie-  
ram inf. in  
Ref. 12. à  
lin. 9. & §.  
sed diffic.